

Broj: 8931-6/17

Datum: 20.11.2017. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 8931-5/17 od 17.11.2017. godine, u postupku javne nabavke **roba – Sistem za evidenciju i kontrolu radnog vremena**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 8931-5/17 od 17.11.2017. godine i Ugovor za javnu nabavku **roba – Sistem za evidenciju i kontrolu radnog vremena** dodjeljuje se ponuđaču „SARAMERC“ d.o.o. Sarajevo, ponuda br. 2106/17, dostavljena dana 20.06.2017. godine, za ponuđenu cijenu od 47.449,25 KM (bez PDV-a), kao najpovoljnijem ponuđaču.

Član 2.

Ponuđač se oslobađa dostavljanja originalna ili ovjerenih kopija dokumentacije iz člana 45. i 47. Zakona o javnim nabavkama obzirom da je iste dostavio u ponudi.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Komisija za javnu nabavku je nakon dostavljanja Rješenja Ureda za razmatranje žalbi broj JN2-03-07-1-1026-9/17 od 09.11.2017. godine o usvajanju žalbe žalitelja SARAMERC d.o.o. Sarajevo kojim je poništena Odluka o poništenju postupka javne nabavke broj 6556-5/17 od 11.09.2017. godine i predmet vraćen ugovornom organu na ponovno odlučivanje, pristupila okončanju predmetnog postupka nabavke u skladu sa stavovima Ureda za razmatranje žalbi iz predmetnog Rješenja i Rješenja Ureda za razmatranje žalbi broj JN2-03-07-1-742-8/17 od 24.08.2017. godine.

Postupak javne nabavke pokrenut je Odlukom o pokretanju postupka javne nabavke broj: **3961-2/17 od 26.05.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **47.500,00 KM.**

Obavještenje o nabavci broj: 1125-7-1-171-3-37/17, poslato je na objavljivanje dana **02.06.2017. godine**, a objavljeno je na Portalu javnih nabavki dana **02.06.2017. godine**, sažetak obavještenja o nabavci objavljen je u Sl. glasniku BiH broj: **41/17 od 09.06.2017. godine.**

Komisija za nabavku, imenovana je Rješenjem broj: **3961-3/17 od 26.05.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **8931-3/17 od 17.11.2017. godine**, Preporuku o izboru najpovoljnijeg ponuđača broj: **8931-4/17 od 17.11.2017. godine** i Izvještaj o radu broj: **8931-5/17 od 20.11.2017. godine**, u postupku javne nabavke roba – **Sistem za evidenciju i kontrolu radnog vremena.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da je ponuda ponuđača „**SARAMERC**“ d.o.o. Sarajevo, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,

- da ponude ponuđača **UNILAB d.o.o. Sarajevo** i **MIDDLE POINT ELECTRONICS d.o.o. Sarajevo** nisu prihvatljive iz sljedećih razloga:

Ponuda ponuđača „UNILAB“ d.o.o. Sarajevo nije prihvatljiva iz sljedećih razloga:

- na strani 11/126 u Obrascu za ponudu ponuđač nije naveo naziv ugovornog organa
- na strani 13/126 u Obrascu za ponudu ponuđač je naveo da ponuda važi 90 dana, a kao krajnji datum do kojeg važi ponuda naznačio je 22.09.2017. godine, što je pogrešno, jer ukoliko ponuda važi 90 dana u tom slučaju važi do 20.09.2017. godine
- na stranicama 23/126 (Prilog/Aneks 3), 37/126 (Prilog/Aneks 4), 43/126 (Prilog/Aneks 5) i 109/126 (Prilog/Aneks 12) u Izjavama iz člana 45. , 47., 50. i 52. Zakona o javnim nabavkama, ponuđač nije naveo broj „Službenog glasnika BiH“ u kome je objavljeno Obavještenje o nabavci

Ponuda ponuđača „MIDDLE POINT ELECTRONICS“ d.o.o. Sarajevo nije prihvatljiva iz sljedećih razloga:

- na strani 9 u Obrascu za ponudu ponuđač je naveo da ponuda važi 90 dana, a kao krajnji datum do kojeg važi ponuda naznačio je 22.09.2017. godine, što je pogrešno, jer ukoliko ponuda važi 90 dana u tom slučaju važi do 20.09.2017. godine
- na stranicama 41 (Prilog/Aneks 3), 55 (Prilog/Aneks 4), 59 (Prilog/Aneks 5) i 37 (Prilog/Aneks 12) u Izjavama iz člana 45. , 47., 50. i 52. Zakona o javnim nabavkama, ponuđač nije naveo broj Obavještenja o javnoj nabavci koje je objavljeno na portalu Agencije za javne nabavke i broj „Službenog glasnika BiH“ u kome je objavljeno Obavještenje o nabavci.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

Ekonomski najpovoljnije ponude sa podkriterijima kako slijedi:

1. Cijena - 60 bodova
2. Rok isporuke od potpisa ugovora- 20 bodova
3. Odziv servisera – 10 bodova
4. Garantni rok od izdavanja zapisnika o isporuci robe bez primjedbi - 10 bodova

| Red. broj | Naziv ponuđača | Kriterij za dodjelu ugovora – ekonomski najpovoljnija ponuda | | | | Ukupno bodova |
|-----------|---|--|---------------------------------|-------------------------|------------------------------|---------------|
| | | Cijena (KM bez PDV-a) | Rok isporuke od potpisa ugovora | Odziv serviser | Garantni rok – | |
| | | – 60 bodova | – 20 bodova | – 10 bodova | – 10 bodova | |
| 1. | „SARAMERC“ d.o.o. Sarajevo Ul. Dajanli Ibrahim Bega 21 71000 Sarajevo | 47.449,25 KM – 60 bodova | 15 dana – 20 bodova | 1 sat – 10 bodova | 12 mjeseci – 10 bodova | 100 bodova |

Izabrani ponuđač je izabran primjenjujući kriterij „ekonomski najpovoljnija ponuda“.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:
Amira Petrović, BA općeg prava, Referent za pravne poslove *AP*

KONTROLISALA:
Sadeta Hrustemović, dipl. iur., Koordinator za javne nabavke *SH*



Dostaviti:

- Ponuđaču: „UNILAB“ d.o.o. Sarajevo
- Ponuđaču: „SARAMERC“ d.o.o. Sarajevo
- Ponuđaču: „MIDDLE POINT ELECTRONICS“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.